

კვლევითი
ინსტიტუტი
Gnomon Wise




კავკასიის ეკონომიკის ყოველთვიური
მიმოხილვა
მარტი 2026





ეკონომიკური ზრდა



2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღებვით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენედა. წინა წელს ეკონომიკა 4.8%-ით გაიზარდა. მიმდინარე წლის იანვარში რეგიონის ეკონომიკა 4.3%-ით გაიზარდა.


✚ 2024 წელს საქართველოს ეკონომიკა 9.5%-ით გაიზარდა. გასულ წელს ეკონომიკა 7.5%-ით გაფართოვდა. მიმდინარე წლის იანვარში ზრდის მაჩვენებელი 7.6% იყო. ზრდაში მნიშვნელოვანი წვლილი ტელეკომუნიკაციების, საფინანსო აქტივობების, სამთო მრეწველობის და სტუმარ-მასპინძლობის სექტორებმა შეიტანეს. კლება დაფიქსირდა მშენებლობისა და ვაჭრობის დარგებში.

🇦🇲 2024 წელს სომხეთის ეკონომიკა 8%-ით გაიზარდა. გასულ წელს ეკონომიკა 9.2%-ით გაფართოვდა. 2026 წლის იანვარში ეკონომიკა 7.6%-ით გაიზარდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 0.7%-ით მოიმატა, სამშენებლო დარგმა კი - 18.7%-ით. მომსახურების სექტორში გამოშვება კი 7.4%-ით გაფართოვდა.

🇦🇿 2024 წელს აზერბაიჯანის ეკონომიკა 4.1%-ით გაფართოვდა. გასულ წელს ეკონომიკა 1.4%-ით გაიზარდა. მიმდინარე წლის იანვარში ზრდამ 1.7% შეადგინა. აზერბაიჯანის ეკონომიკის სტრუქტურაში 27.9%-ს ნავთობისა და გაზის ინდუსტრია იკავებს. ამ ინდუსტრიის გარეშე ზრდის ტემპმა 2.3% შეადგინა. სოფლის მეურნეობა კი მხოლოდ 0.1%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2025 წელს საქართველოში ინფლაციის ტემპი, წინა წელთან შედარებით, აჩქარდა. 2026 წლის თებერვალში სამომხმარებლო ფასების წლიურმა ზრდამ 4.6% შეადგინა. თებერვლის ინფლაციაში მაღალი წვლილი სურსათისა და უალკოჰოლო სასმელების ფასებმა შეიტანა, რომელიც 9.5% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, კავშირგაბმულობის ფასები ყველაზე მეტით, 4.6%-ით შემცირდა. ამ ფონზე, ცენტრალურმა ბანკმა ბოლო გადაწყვეტილებით რეფინანსირების განაკვეთი 8%-ზე შეინარჩუნა.

🇦🇲 წარსულში რეგიონში ფასების დინამიკით სომხეთი გამოირჩეოდა. 2026 წლის თებერვალში სამომხმარებლო ფასების წლიური ზრდა 4.3% იყო. ყველაზე მაღალი, 10.3%-იანი ზრდა ალკოჰოლის ფასებზე დაფიქსირდა, ხოლო საყოფაცხოვრებო საგნების ფასები 0.1%-ით შემცირდა. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით რეფინანსირების განაკვეთი 6.5%-ზე შენარჩუნდა.

🇦🇷 აზერბაიჯანში ინფლაცია აჩქარდა. 2026 წლის თებერვალში სამომხმარებლო ფასების წლიურმა ზრდამ 5.7% შეადგინა. იანვარშიც ეს ნიშნული 5.7% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. თებერვალში მიღებული გადაწყვეტილებით პოლიტიკის განაკვეთი 6.5%-მდე შემცირდა.